

## Հ Ա Շ Վ Ե Տ Վ ՈՒ Թ Յ ՈՒ Ն

### 2025Թ. ՄԱՅԻՍԻ 20-ԻՑ 23-Ը ԳԵՐՄԱՆԻԱՅԻ ԴԱՇՆԱՅԻՆ ՀԱՆՐԱՊԵՏՈՒԹՅՈՒՆ (Ք. ԼԱՅՊԳԻԳ) ԳՈՐԾՈՒՂՄԱՆ

#### 1. Անունը, ազգանունը՝

Արմեն Սիմոնյան

#### 2. Զբաղեցրած պաշտոնը՝

Հայաստանի Հանրապետության տարածքային կառավարման և ենթակառուցվածքների նախարարի տեղակալ

#### 3. Գործուղման վայրը և ժամկետները.

2025թ. մայիսի 20-ից 23-ը Գերմանիայի Դաշնային Հանրապետություն (ք. Լայպցիգ)

#### 4. Հրավիրող կողմը.

Միջազգային տրանսպորտային ֆորումի քարտուղարություն

#### 5. Գործուղման նպատակը (աշխատանքային ո՞ր խնդրի լուծման համար էր նախատեսված գործուղումը).

Միջազգային տրանսպորտային ֆորումի ամենամյա գագաթնաժողովին մասնակցություն, որն անցկացվում էր «Համաշխարհային կայունություն զլոբալ ցնցումների պայմաններում» խորագրի ներքո, այն նպատակ ուներ միջազգային փորձի ուսումնասիրում՝ արտաքին ճգնաժամերին, այդ թվում կլիմայական փոփոխություններին, համավարակներին և աշխարհաքաղաքական խափանումներին, դիմակայող տրանսպորտային համակարգերի կայունության ամրապնդման ուղղությամբ:

#### 6. Քննարկված թեմաները.

Տեղի են ունեցել երկկողմ հանդիպումներ, քննարկումներ և առանձնագրույցներ մասնակից երկրների ներկայացուցիչների հետ: Առանձին հանդիպում և քննարկում է տեղի ունեցել Համաշխարհային Բանկի ներկայացուցիչների, Անվտանգ և Կայուն Տրանսպորտի Արևելյան Դաշինքի (EASST) նախագահի հետ:

#### 7. Հանդիպումները, ելույթները, բարձրացված կամ քննարկված հարցերը.

Քննարկվել են քաղաքային կայուն և ներառական շարժունակության ապահովման ռազմավարությունները, ընդգծվել է բազմաշերտ հասանելիության և տարբեր

սոցիալական խմբերի շարժունակության կարևորությունը: Լոգիստիկ միջանցքների դերը ներկայացվել է որպես տարածաշրջանային զարգացման և բազմակերպ փոխադրումների խթանման գործիք: Ներկայացվել է 21-րդ դարի տրանսպորտային անվտանգության նոր մոտեցումը՝ մասնավորապես ավտոմատ արգելակման համակարգի ցուցադրությամբ: Քննարկվել է նաև մասնավոր հատվածի հետ համագործակցության ընդլայնման անհրաժեշտությունը՝ դիմակայուն և ճկուն տրանսպորտային համակարգերի կառուցման նպատակով՝ պետական և մասնավոր շահերի համադրման միջոցով:

Միջազգային տրանսպորտային ֆորումի նախարարական նիստի շրջանակներում ելույթով հանդես եմ եկել ՏՆԵԿ բազմակողմ քվոտայի համակարգում Միջազգային ավտոճանապարհային բեռնափոխադրումների Որակի խարտիայի պահանջներին համապատասխան օրենսդրական դաշտ ձևավորելու և ստանձնած պարտավորությունների կատարման վերաբերյալ: Ընդգծել եմ, որ Հայաստանի Հանրապետությունը վերահաստատում է իր պատրաստակամությունը և հնարավորությունները Միջազգային տրանսպորտի ֆորումի շրջանակներում ամուր ինստիտուցիոնալ կապերի հաստատման, համագործակցության խորացման, կարողությունների և ենթակառուցվածքների զարգացման նպատակով համատեղ նախաձեռնությունների իրականացումը:

**8. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը.**

Ստորագրված փաստաթղթեր չկան:

**9. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատվությունները, ակնկալվող արդյունքները.**

ITF գազաթնաժողովին մասնակցությունից բխող առաջարկները վերաբերում են բեռնափոխադրումների ոլորտում ՀՀ միջազգային քվոտաների վերանայմանը և ավելացմանը, տրանսպորտային տվյալների կառավարման ոլորտում միջազգային հարթակներին միանալուն, կանաչ տրանսպորտի օրենսդրական խթանմանը, ինչպես նաև միջազգային պիլոտային ծրագրերում Հայաստանի ներգրավման հնարավորությունների ուսումնասիրությանը: Այս քայլերը կնպաստեն տվյալահեն և կլիմայահեն քաղաքականությունների զարգացմանը, միջազգային համագործակցության խորացմանը և ոլորտում ներդրումների ներգրավմանը:

**10. Ստորագրությունը, ամսաթիվը**

29.05.2025թ.

